

Državni sud pokazuje da niko nije iznad zakona

Visoki predstavnik, Paddy Ashdown, danas je uputio čestitke Tužilaštvu BiH na uspješnom okončanju predmeta trgovine ljudima Milaković-Sherwood.

“Organi BiH, zajedno sa predstavnicima međunarodne zajednice, proveli su dosta vremena na izgradnji institucija za provedbu zakona. Ova presuda pokazuje da ovaj posao počinje pokazivati rezultate”, rekao je danas visoki predstavnik. “Tužilaštvo BiH je dokazalo danas da se kriminal u Bosni i Hercegovini ne isplati, odnosno da će oni koji krše zakon biti adekvatno kažnjeni. Siguran sam da će svaki pošten građanin u Bosni i Hercegovini pozdraviti činjenicu da moćni kriminalci počinju završavati iza rešetaka”.

U svojoj izjavi visoki predstavnik je pozdravio činjenicu da novoosnovane pravosudne institucije na državnom nivou pokazuju svoju snagu. “Svjedoci smo početka nove pravosudne ere u kojoj niko ne može prezirati zakon i očekivati da prođe nekažnjeno zbog veza ili uticaja koje ima”, rekao je visoki predstavnik. “To dokazuje činjenica da su pojedinci koji imaju veze na najvišim nivoima vlasti u BiH sada u pritvoru i čekaju suđenje. Tužilaštvo BiH je pokazalo da su Sud BiH i Krivični zakon BiH dovoljno snažni da se mogu uhvatiti u koštac i sa najmoćnijim kriminalcima”. Visoki predstavnik je dodao da je ovo “pozitivan signal o pomacima koje BiH čini prema Evropi”, te da je to i “signal koji će utjerati strah u kosti svakom kriminalcu koji bude htio ostvarivati sopstvene interese na uštrb BiH”.

Visoki predstavnik je konstatirao da je potrebno sada usredsrediti aktivnosti na osnivanje moderne obavještajne službe po evropskim standardima i osigurati efikasne

policijske ovlasti Agenciji za informacije i zaštitu (SIPA).
“U tom slučaju Tužilaštvo BiH onda može efikasno koristiti ove institucije u borbi protiv najtežih oblika organiziranog i finansijskog kriminala i na efikasan način se suprotstaviti prijetnji međunarodnog terorizma”, rekao je visoki predstavnik.